

**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO**

Sarajevo, 15.05.2009.g.

Z A P I S N I K

sa sastanka predstavnika Sindikata Univerziteta u Sarajevu i Sindikalnog odjela sindikata Prirodno-matematičkog fakulteta održanog dana 15.05.2009.g. u Kabinetu premijera Kantona Sarajevo

Sastanku su prisustvovali:

- Besim Mehmedić, premijer Kantona Sarajevo
- Safet Kešo, ministar obrazovanja i nauke Kantona Sarajevo
- Almir Mašala, pomoćnik ministra za visoko obrazovanje i nauku
- Seada Selimović, stručni savjetnik za finansije
- Berko Zečević, predsjednik Sindikata UNSA
- Emira Zovko, predstavnica Sindikata PMF-a
- Enad Korjenić, predsjednik Sindikata PMF-a
- Alma Zulfikarpašić, predstavnica sindikata grupacije umjetnosti
- Suada Buljubašić, predstavnica Sindikata Fakulteta političkih nauka
- Aleksandra Marjanović, SUNS- sekretar
- Abidin Deljanin, predstavnik Sindikata Fakulteta za saobraćaj

DNEVNI RED

Dnevni red se odnosio na zahtjeve sindikata upućene Vladi Kantona Sarajevo i Ministarstvu obrazovanja i nauke Kantona Sarajevo da:

1. Plaće zaposlenih na Univerzitetu u Sarajevu budu jednake plaćama zaposlenih u službama Kantona Sarajevo i institucijama koje se finansiraju iz budžetskih sredstava za istu složenost i odgovornost poslova. To podrazumjeva da je gornji limit plaća redovnog profesora, koja treba da bude jednaka plaći ministra u Vladi Kantona Sarajevo sa svim standardnim dodacima, pa dalje naniže.
2. Topli obrok, naknada za prevoz, regres, otpremnine, naknade za teže bolesti ili za smrtni slučaj i ostala prava zaposlenih na UNSA treba da koriste iz budžetskih sredstava na isti način kao i zaposleni u službama Kantona Sarajevo i ostali korisnici budžetskih sredstava.
3. Odmah pristupiti potpisivanju Kolektivnog ugovora sa Sindikatom Univerziteta u Sarajevu (prije više od 700 dana su definirane osnove

Kolektivnog ugovora sa Ministarstvom obrazovanja i nauke Kantona Sarajevo).

4. Da Vlada Kantona Sarajevo pod hitno predloži na usvajanje Skupštini Kantona Sarajevo prijedlog dopune Zakona o visokom obrazovanju u kojem će u prelaznim i završnim odredbama stajati: "Asistenti i viši asistenti koji su izabrani prvi put po prethodnom Zakonu o visokom obrazovanju imaju pravo na reizbor pod uvjetima iz Zakona po kojem su izabrani prvi put."

Premijer Kantona Sarajevo, gosp. Besim Mehmedić i ministar obrazovanja i nauke Kantona Sarajevo Safet Kešo pozdravili su sve prisutne i otvorili diskusiju u vezi sa pitanjima zahtjeva Sindikata.

Prof. Berko Zečević je u ime Sindikata elaborirao osnovne zahtjeve pri čemu je istakao da se u ovom slučaju obraćanja Sindikata ne radi o zahtjevu za povećanjem plaća već o rješavanju statusa uposlenih.

Prof. Zečević je govorio o postojanju pritiska na uposlene na pojedinim visokoškolskim ustanovama Univerziteta u Sarajevu u slučajevima kada oni izražavaju svoje negodovanje vezano za njihov položaj unutar visokoškolskih ustanova u kojima su angažovani u nastavnom procesu, što se kasnije manifestuje kroz usporeno odnosno otežano akademsko napredovanje tog nastavnog kadra.

Prof. Zečević je posebno apostrofirao izjednačavanje koeficijenata plaća asistenata i viših asistenata sa koeficijentima uposlenika u organima uprave i naglasio njihovu veoma složenu finansijsku situaciju. Takođe, istakao je da se u slučaju štarajka Sindikata ne bi ugrozile vitalne funkcije fakulteta, odnosno da bi se štrajk odvijao unutar visokoškolskih ustanova prema najvljnoj proceduri za otpočinjanje štrajka.

Gosp. Enad Korjenić, predsjednik Sindikata PMF-a govorio je o dosta složenoj finansijskoj situaciji na Prirodno-matematičkom fakultetu, dok je g-đa. Emira Zovko, takođe predstavnik Sindikata PMF-a ukazala na hitnu potrebu finansijske podrške mladim kadrovima Fakulteta u pogledu odlazaka na naučne kongrese, a u cilju naučnog usavršavanja. G-đa. Suada Buljubašić, predstavnik Sindikata Fakulteta političkih nauka istakla je probleme u vezi sa primjenom sistema školovanja prema bolonjskim načelima visokog obrazovanja ukazujući na negativne pojave održavanja nastave i pred 500 studenata.

U okviru daljnje diskusije ministar Kešo i premijer Mehmedić zajednički su konstatovali da je ključno pitanje u pogledu ravnopravnog rješavanja socijalno-ekonomskog statusa nastavnika i saradnika na UNSA je uvođenje UNSA u sistem trezorskog poslovanja, što su podržali i svi ostali predstavnici sindikata.

Kao konačan stav prihvaćen od strane svih prisutnih odnosi se na podržavanje zajedničkih prijedloga razgovora sa Sindikatom visokog obrazovanja koji je započet tokom 2007.godine i u tom smislu preloženi su slijedeći

ZAKLJUČCI

1. Da Vlada Kantona Sarajevo na svojoj sjednici formira tim za pregovore sa pregovaračkim timom Sindikata visokog obrazovanja.
2. Da se što prije pristupi pregovorima izrade kolektivnog ugovora sa okvirnim planom njegove izrade do kraja oktobra tekuće godine.

ZAPISNIK SAČINIO:

*Almir Mašala,
pomoćnik ministra
za visoko obrazovanje
i nauku*